

men/ die Riffbaggen voller spiziger Zähnen/ auch ein Ordnung Zähn
 an dem Rachen/ auff der Zungen sieben Zähn/ vierfache Fischohren/
 die Augapffel groß vnd schwarz/ ein silberfarben Ring darumb/ grosse
 silberfarbe Ohrendeckel/ an welchen vndenher gar ein wenig goldfarbes
 gespürt wirdt/ ist sonst dem Leib nach formiert wie ein Fornen oder
 Salm/ allein daß er etwas breiteren vnd hangendern Bauchs hat/
 mitten auff dem Ruggen hat er ein Flossfederen/ die nicht gar hoch aber
 zimlich breit/ gefarbt wie der ganze Ruggen/ etwas blau mit roht vnd
 grün vermengt/ bis an den Strich oder Linien/ so ihme bedersits von
 dem Kopff bis an den Schwanz reichent/ hinten hat er ein klein fleisch
 recht Flossäderlin/ wie andere Fornen/ der Schwanz ist etwas doch
 wenig getheilt/ die seiten seynd etwas silberfarber dan der Ruggen/ mit
 wenig rohten vnd gar wenig blauem vermengt/ der bauch ist ganz
 weiß hat auch 2. Flossädern nechst bey den Ohren/ 2. mitten am bauch
 1. hinter dem Weidloch/ ziehend sich auff feurwarb roht/ hat gar
 zarte kleine vnd subtile Schneylin.

Er hat ein groß Eingeweid/ darin fand ich ein ganzen Krüschling/
 vnd ein klein Gröplin/ ziem ein anzahl nestel wie man sie in den Has-
 len findet/ ob er etwan Haslen gefressen oder dise Nestel in ihme gewach-
 sen/ mag ich nicht wüssen/ hat ein dreyeck Herz wie der Salmen/ ein
 grosse in drey eggen theilende Leber/ auff der flachen vnd grösten seiten
 formiert wie ein Blah eines Baums/ an der farb bleichroht/ ein zim-
 lich groß aber ganz heil durch scheinende Gall/ der Roggen ist bey weitem
 nicht so groß als der Forenen/ doch nicht so klein als der Treüschen/
 Hecht vnd Eglin.

**Von dem kleinen Rothfornen
 oder Rötelin.**

Vmb la minor wirdt/ wie hievor gemeldet vmb Viel vnd ihrem Ro-
 manischen nach Ronfon vnd Rondelle. genamset/ Rondeletius sage
 daß er nur ein Seefisch vnd kleinere Fischle fresse/ sye aber gar ein
 schwach vnd blöder Fisch/ dan so bald er ein wenig verletz/ oder von an-
 dern Fischen ein wenig gebissen/ schwäme er gleichsam ganztod obē auff.
 Bellonius sagt/ daß er allerhand hinwürffig zeug vnd vnstat fresse/ so
 bald er gefangē/ das wasser verlasse/ verliere er das Lebē. Ist in der speiß
 lieb